

- Loricas quoque cum galeis detraxerat ollis.  
 1195 Quatuor his oneravit equos, sponsamque vocatam  
     Imposuit quinto, sextum condescenderat ipse,  
     Et primus vallo perrexerat ipse revulso.  
     At, dum constricti penetratur semita callis,  
     Circumquaque oculis explorans omnia puris,  
 1200 Auribus arrectis ventos captavit et auras,  
     Si vel mussantes sentiret vel gradientes,  
     Sive superborum crepitantia frena virorum,  
     Seu saltem ferrata sonum daret ungula equorum.  
 Postquam cuncta silere videt, praevertit onustos  
 1205 Quadrupedes, mulierem etiam praecedere jussit.  
     Scrinia gestantem comprendens ipse cavallum,  
     Audet inire viam consueto cinctus amictu.  
     Mille fere passus transcendit, et ecce puella,  
     Sexus enim fragilis animo trepidare coëgit,  
 1210 Respiciens post terga videt descendere binos  
     Quodam colle viros raptim et sine more meantes;  
     Exsanguisque virum compellat voce sequentem  
     ‘Dilatus jam finis adest. fuge, domne, propinquant!’  
     Qui mox conversus visos cognovit et inquit  
 1215 ‘Incassum multos mea dextera fuderat hostes,  
     Si modo supremis laus desit, dedecus assit.  
     Est satius, pulchram per vulnera quaerere mortem,  
     Quam solum amisis palando evadere rebus.  
     Verum non adeo sunt desperanda salutis  
 1220 Comoda cernenti quandam majora pericla.  
     Aurum gestantis tute accipe lora leonis,

---

1194 quas cum C. 1201 mussantes pariter D. 1204 onustas  
 A. E. 1206 comprehendens C. 1207 amictu C. 1209 sexus  
 haec C. 1210 terga viros D. 1211 colle videt D. 1212 se-  
 quente A. C. 1216 si nunc in fine D. adsit I. 1218 balando D.  
 1219 verum enim adero sibi desp. D. 1220 pericli E. 1221  
 accipit I.